

三  
輔  
決  
錄

### 三輔決錄序

賜進士出身知玉屏縣事翰林院庶吉士或威張澍纂

史通書志篇云譜牒之作盛於中古漢有趙岐三輔決錄晉有  
華虞族姓記江左有兩王百家譜中原有方思殿格蓋氏族之  
事盡在是矣補注篇云若摯虞之三輔決錄陳壽之季漢輔臣  
周處之陽羨風土常璩之寧陽士女文言美詞列於章句委曲  
叙事存於細書按岐籙決錄據其自序竝皆人徵引逸篇其書  
不類譜牒至摯虞之注并陳壽等三書亦不相侔劉氏所考未  
爲精謫大抵簡者爲錄詳者爲注又決錄多作韻語卽史通所  
謂文言美句也諸書徵引錄并注不盡分晰余鈔撮特分別之

隋志七卷舊唐志亦七卷新唐志十卷故多於隋今定爲二卷

三輔決錄原序

三輔者本雍州之地世世徙公卿吏

一有大夫字

二千石及高賢皆

一作者

曰陪諸陵五方之俗雜會非一國之風不但繫於詩秦幽

也其爲士好高尚義貴於名行其俗失則趨執進權惟利是視  
余曰不才生於西土耳能聽而聞故老之言曰能視而見衣冠  
之疇心能識而觀其賢愚常曰冬夢黃髮之士姓乎名明字  
子真昇余寤言言必有中善否之間無所依違命操筆者書之  
近從建武曰來暨於斯今其人既亡行乃可書玉后朱紫由此  
定矣故謂之決錄矣

後漢書本傳注

澍按冊府元龜引故謂之決錄下又云岐恐時人不盡其意

故隱其書惟目示同郡嚴象又按太平御覽引云子目字冬  
修而夜思而未之得也忽然而寢夢此黃髮之老安姓爲字  
明字曰子真昝寤言言必有中夢中指言子授其人子真評  
之善否之間無所依違因命操筆者書之謂之決錄字句昝  
本傳注引微異

後漢書趙岐傳

趙岐字邠卿京兆長陵人也初名嘉生於御史臺因字臺卿後避難故自改名字示不忘本土也岐少明經有才統娶扶風馬融兄女融外戚豪家岐常鄙之不與融相見仕州郡曰廉直疾惡見憚季三十餘有重疾臥蓐七年自慮奄忽乃爲遺令勅兄子曰大丈夫生世遇無箕山之操仕無伊呂之勲天不我與復何言哉可卒一園石於吾墓壽刻之曰漢有逸人姓趙名嘉有志無時命也奈何其後疾瘳永興二年辟司空掾議二千石得去官爲親行服藁廷從之其後爲大將軍梁冀所辟爲陳損益求賢之策冀不納舉理劇爲皮氏長會河東太守劉祐去郡而

中常侍左悺兄勝代之岐恥疾宦官卽日西歸京兆尹延篤復  
目爲功曹先是中常侍唐衡兄玳爲京兆虎牙都尉郡人目玳  
進不由德皆輕侮之岐及從兄襲又數爲貶議玳深毒恨延熹  
元季玳爲京兆尹岐思旣及乃昇從子戡逃避之玳果收岐家  
屬宗親陷重法盡殺之岐遂逃難四方江淮海岱靡所不歷自  
匿姓名賣餅北海市中時安丘孫嵩率二十餘遊市見岐察非  
常人停車呼昇其載岐思失色嵩乃下帷令騎屏行人密問岐  
曰視子非賣餅者又相問而色動不有重怨卽亡命乎我北海  
孫賓石闔門百口孰能相濟岐素聞嵩名卽目實告之遂目俱  
歸嵩先入白母曰出行乃得死友迎入上堂饗之極歡藏岐複

壁中數季岐伯戍屯歌二十三章後諸唐死滅因赦乃出三府  
聞之同時並辟九季乃應司徒胡廣之命會南匈奴烏桓鮮卑  
反叛公卿舉岐擢拜并州刺史岐欲奏守邊之策未及上會累  
黨事免因譏次曰爲禦寇論靈帝初復遭黨錮十餘歲中平元  
季四方兵起詔選故刺史二千石有文武才用者檄岐拜議郎  
車騎將軍張溫西征關中請補長史別屯安定大將軍何進舉  
爲敦煌太守行至襄武岐并新除諸郡太守數人俱爲賊邊章  
等所執賊欲脅曰爲帥岐詭辭得免展轉還長安及獻帝西都  
復拜議郎稍遷太僕及李傕專政使太傅馬日磾撫慰天下曰  
岐爲副日磾行至洛陽表別遣岐宣揚國命所到郡縣百姓皆



喜曰今日乃復見使者車騎是時袁紹曹操并公孫瓚爭冀州  
紹及操聞岐至皆自將兵數百里奉迎岐深陳天子恩德宜罷  
兵安人之道又遣書公孫瓚爲言利害紹等各引兵去皆并岐  
期會洛陽奉迎車駕岐南到陳畱得篤疾經涉二季期者遂不  
至興平元年奉詔書徵岐會帝當還洛陽先遣衛將軍董承修理  
宮室岐謂承曰今溝內分崩唯有荊州境廣地勝西通巴蜀南  
當交趾季穀獨登兵人差全岐雖迫大命猶志報國家欲自乘  
牛車南說劉表可使其身自將兵來衛衛廷并將軍并心同力  
共獎王室此安上救人之策也承卽表遣岐使荊州督租糧岐  
至劉表卽遣兵詣洛陽助修宮室軍資委輸葭後不絕時孫嵩

亦寓於表表不爲禮岐乃稱嵩素行篤烈因其上爲青州刺史岐目老病遂畱荊州曹操時爲司空舉目自代光祿勳桓典少府孔融上書薦之於是就拜岐爲太常年九十餘建安六年卒先自爲壽藏圖季札子產晏嬰叔向四像居賓佐又自畫像居主佐皆爲讚頌勅其子曰我死之日墓中聚沙爲牀布單白衣散髮其上覆目單被卽日便下下訖便掩坎岐多所述作著孟子章句三輔決錄傳於時

樹校太平廣記引范曄後漢書云趙岐字邠卿京兆杜陵人多才藝善畫自爲壽藏於郢城中畫季札子產晏嬰叔向四人居賓佐自居主佐各爲讚頌獻帝建安六年官至太常卿

并今書微異又按水經注地理志曰楚別邑故郢矣王莽目  
爲郢亭城中有趙臺卿冢岐平生自所營也冢圖賓主之容  
用存情好叙其宿尚是岐依劉表時沒葬於郢也

晉書華虞傳

華虞字仲治京兆長安人也父模魏太僕卿虞少事皇甫謐才學通博著述不倦郡檄主簿虞嘗曰死生有命富貴在天天之所祐者順也人之所助者信也履信思順所曰延福違此而行所曰速殃道長世短既福舛錯怵迫之徒不知所守蕩而貢憤或迷或放故僭之曰身假之曰事先陳處世不遇之難遂弃義倫輕舉遠遊曰極常人罔惑之情而後引之曰正反之曰義推神明之應於視聽之表崇否泰之運於智力之外曰明夫任命之不可違故作思遊賒其辭超詣爲世所稱舉賢良與夏侯湛等十七人策爲下第拜中郎改帝詔諸賢良方直言會東

堂親策之虞對切直擢爲太子舍人除聞喜令時天子畱心政  
事又吳寇新平天下乂安虞上太康頌曰美晉德帝嘉之曰母  
惡去職久之召補尚書郎將伯大匠陳勰掘地得古尺尚書奏  
今尺長於古尺宜曰古爲正潘岳曰爲習用已久不宜復改虞  
跋曰晉聖人有曰見天下之賾而擬其形容象物制器曰存時  
用故參天兩地曰正算數之紀依律計分曰定長短之度其作  
之也有則故用之也有徵考步兩儀則天地無所隱其情準正  
三辰則縣象無所容其謬施之金石則音韻和諧櫟之規矩則  
器用合宜一本不差而萬物皆正及其差也事皆反是今尺長  
於古尺幾於半寸樂府用之律呂不合史官用之歷象失占醫

署用之孔穴垂鎔此三者度量之所由生得失之所取徵皆絃  
閏而不得通故宜改今而從古也唐虞之制同律度量衡仲尼  
之訓謹權審度今兩尺並用不可謂之同知失而行不可謂之  
謹不同不謹是謂謬法非所目軌物垂則示人之極凡物有多  
而易改有少而難變亦有改而致煩有變而之簡度量是人所  
常用而長短非人所戀憎是多而易改者也正失於得反邪於  
正一時之變永世無二是變而之簡者也憲章成式不失舊物  
季末苟合之制異端雜亂之用當目時彊改貞夫一者也臣目  
爲宜如所奏又表論封禪事儀典甚悉虞又目漢末喪亂譜傳  
多亡失雖其子孫不能言其先祖篡族姓昭穆十卷上疏進之

曰爲足曰備物致用廣多聞之益曰定品違法爲司徒所劾詔  
原之時太唐初建詔普增佐一等後曰主者承詔失旨改除之  
虞上表曰臣聞昔之聖明不愛千乘之國而惜桐葉之信所曰  
重至尊之命而達於萬國之誠也貞乙巳詔書遠稱先帝遺惠  
餘澤普增佐一等曰酬四海欣戴之心驛書班下被於遠近莫  
不鳥騰魚躍喜蒙德澤今一旦更曰主者思文不審收既往之  
詔奪已澍之恩臣愚竊曰爲不可詔從之元康中遷吳王友時  
荀顗憲新禮使虞討論得失而後施行元皇后崩杜預奏諒闇  
之制乃自上古是曰高宗無服喪之文而唯文稱不言適文限  
三十六日魏氏曰降旣虞爲節皇太子奔國爲體理宜釋服卒

哭便除虞答預書曰唐稱遏密殷云諒聞各舉事曰爲名非旣  
葬有殊降周室曰來謂之喪服喪服者曰服表喪今帝者一日  
萬機太子監撫之重曰宜尊禮葬訖除服變制通理坐典將來  
又何必附之於古使老儒致爭哉皇太孫尚薨有司奏御服齊  
衰葢詔令博士議虞曰太子生舉曰成人之禮則殤理除矣太  
孫亦體君傳重由佗成而服全非曰季也從之虞又議玉輅兩  
社事皆有依據後歷祕書監衛尉卿從惠帝幸長安及東軍來  
迎百官奔散遂流離鄠杜之間轉入南山糧絕餓甚拾橡實而  
食之後得歸洛陽歷光祿勳太常卿時懷帝親郊自元康已來  
不親郊祀禮儀弛廢虞考正舊典法物祭飭及洛京荒亂盜竊



縱橫人饑相食虞素清貧遂曰餒卒虞纂文章志四卷注解三  
輔決錄又纂古文章類聚區分爲三十卷名曰流別集各爲之  
論辭理愜當爲時所重虞善觀元象嘗謂友人曰今天下方亂  
避難之國其唯涼土乎性愛士人有表薦者常爲其辭東平太  
叔廣樞機清辯廣談虞不能對虞筆廣不能答更相嗤笑紛然  
於世云

三輔決錄卷一

漢太僕趙岐纂 晉秘書監摯虞注 或威張澍蒼輯

趙岐初名嘉年三十有重疾臥蓐七年不藥自慮奄忽乃爲命

勅兒

一作遺令勅兒子

曰丈夫生一世處無箕山二公之操仕無伊摯

呂尚之勛天不我弔復何言哉聊六一園石樹吾墓壽刻之曰

遠有逸民趙姓名嘉有志無時命也奈何其後病愈

一作疾瘳太平御

覽引決錄注

趙岐避難於四方江海岱淮

一作霍

無所不至自匿姓名布衣布

絮賣餅北海市安丘孫嵩年二十餘游市見趙微察知非常人

駐車呼弔共載曰我北海孫賓碩終不相負岐聞嵩卽曰實告

三輔決錄

卷一

九

遂并俱歸嵩先入白母曰今日出得死友在外岐卽匿孫家積  
年乃出後詣劉表時孫嵩流離在劉表末座不爲表所識岐遙  
識之向表說嵩表甚奇一作喜重之同共表嵩爲青州刺史太平御覽  
引決錄

澍按鄭康成傳黨事起并同郡孫嵩等俱被禁錮卽賓碩也  
趙岐避難至北海於市中販胡餅孫嵩乘犢車入市見岐疑非  
常人問曰自有餅耶曰販之嵩曰買幾錢賣幾錢岐曰買三十  
賣亦三十嵩曰視處士之狀非賣餅者乃開車後載還家

北堂書鈔

引決錄

岐娶馬敦女宗姜爲妻敦兄子融嘗至岐家多從賓并從妹宴

飲佚樂日夕乃出過問趙處所在岐亦屬節不目妹聳之故屈  
志於融也昇其友書曰馬季長雖有名當世而不持士節三輔  
高士未曾目衣裾撤其門也岐曾讀周官二義不通一徃道之  
賤融如此也

後漢書注  
引決錄注

澍按葉抱崧說叩引三輔決錄趙岐取馬續女宗姜爲妻續  
兄子融岐曰妹婿之故屈志於融有訛脫字當作岐不目妹  
婿之故又按馬嚴七子固伉飲鮪融畱續續字季則爲融弟  
岐安得呼爲妹聳乎嚴弟敦官中郎將岐所娶者其女也葉  
氏引譌

岐還至陳倉復遇亂兵裸身得免在草中十二日不食也

後漢書引

決錄注

岐從兄襲字元嗣先是杜伯度崔子玉曰工草書稱於莽代襲  
莽羅暉拙書見囑於張伯英英頗自矜高莽朱賜書云上比崔  
杜不足下方羅趙有餘也

後漢書注太平御覽引決錄注

澍按蕤文類聚引云趙襲爲敦煌太守先是杜伯度崔子玉  
曰工草書稱於莽世襲莽羅暉亦曰能草頗自矜誇故張伯  
英莽襲同郡太僕朱賜書曰上比崔杜不足下方羅趙有餘  
又王僧虔名書錄趙襲伯趙恭朱賜伯朱寬

岐長兄磐州都官從事早亡次兄無忌字世卿郃河東從事爲

唐竝所殺

後漢書注引決錄注

岐爲皮氏長抑彌討姦大興學校

後漢書注  
引決錄注

是時綱維不攝閣豎專權岐擬葺代連珠之書四十章上之畱

中不出

後漢書注  
引決錄注

矯慎字仲彥扶風茂陵人也少慕裕喬導引之術隱遯山言阜  
南郡太守馬融并州刺史蘇章鄉里並時缺二人純遠不及慎  
也汝南吳蒼甚重之因遺書目觀其志曰蓋聞黃老之言乘虛  
入冥藏身遠迹亦有理國養人施於爲政至如登山絕迹神不  
著其證人不覩其驗吾從先生歎其可者於意何如魯伊尹不  
懷道自待堯舜之君方今明明四海開闢巢許無爲箕山夷齊  
悔入晉陽屋下審能騎龍弄鳳翔嬉雲間者亦非狐兔燕雀所

敢謀也慎不答年七十餘竟不肯娶後忽歸家自言死日及期果卒後人有見慎於敦煌者故時世異之或云神仙焉慎同郡馬瑤隱於沂山自免置爲事所居俗化百姓美之號馬牧先生焉

謝安皇甫謐著高士傳所言高隱其文并決錄相同是士安依趙氏爲傳也今據補

摯峻字伯陵京兆長安人也少治清節拜太史令司馬遷交好峻獨退身修德隱於沂山遷既親貴乃自書勸峻進曰遷聞君子所貴乎道者三太上立德其次立言其次立功伏惟伯陵材能絕人高尚其志自善厥身久清玉潔不目細行荷累其名固

已貴矣然未盡太上之所由也顧先生少致意焉峻報書曰峻聞古之君子料能而行度德而處故悔恡去於身利不可曰虛受名不可曰苟得蓋興曰來帝王之道於斯始顯能者見利不肖者自屏亦其時也周易大君有命小人勿用從欲偃仰從容曰遊餘齒耳峻之守節不移如此遷居太史官爲李陵遊說下腐刑果曰悔恡被辱峻遂高尚不仕卒於阡阡人太祠號曰阡居士世奉祀之不絕

澍按此皇甫士安高士傳決錄宜有其人今據補

摯恡字季直好學善屬文隱於南山之陰

後漢書注引決錄注

澍按皇甫謐高士傳曰摯恡字季直伯陵之十二世孫也明



禮易遂治五經博通百家之言又善屬文詞論清美涓濱弟  
子扶風馬融沛國桓麟等自遠方至者十餘人既通古今而  
性復溫敏不恥下問故學者尊之常慕其先人之高遂隱於  
南山之陰初馬融從恂受業恂愛其才因目女妻之融後果  
爲大儒名冠當世世目是服恂之知人永和中帝博求名  
儒公卿薦恂行侔曾閔學擬仲舒文參長卿才同賈誼實瑚  
璣器也宜在宗廟爲國碩輔由是公車徵不詣大將軍竇憲  
舉賢良不就清名顯於世目壽終三輔稱焉

樊茂字子磐目茂才爲郡法曹治財致大富悉散目分宗人先

從貧始目壽終

太平御覽  
引決錄

安丘望之者京兆長陵人也少治老子經恬靜不求進宦號曰  
安丘丈人成帝聞欲見之望之辭不肯見上曰其道德深重常  
宗師焉望之不目見敬爲高愈自損退爲巫醫於民間著老子  
章句故老氏有安丘之學扶風耿況王伋等皆師事之從受老  
子終身不仕道家宗焉

樹按此皇甫士安高士傳決錄宜有其人今據補

梁鴻東出關過京師作五噫之歌曰陟彼北山兮噫顧瞻帝京  
兮噫宮闕崔嵬兮噫民之劬勞兮噫遼遼未央兮噫肅宗聞而  
悲之求鴻不得

北堂書鈔太平御覽引決錄

梁鴻字伯鸞扶風平陵人也遭亂世受業太學博覽不爲章句

學畢乃牧豕上林苑中曾誤遺火延及他舍鴻乃尋訪燒者問其所云失悉曰豕償之其主猶爲少鴻又曰身居作執勤不懈鄰家耆老見鴻非恆人乃共責讓主人而稱鴻長者於是始敬異焉悉還其豕鴻不受而去歸鄉里執家慕其高節多欲女之鴻並絕不娶同縣孟氏有女狀醜擇對不嫁父母問其故女曰欲得賢如梁伯鸞者鴻聞而聘之及嫁始曰裝飾入門七日而鴻不答妻乃下請鴻曰吾欲衣褐之人可耳俱隱深山者爾今乃衣綺縞傅粉墨豈鴻所願哉妻曰曰觀夫子之志耳妾自有隱居之服乃更爲椎髻著布衣操作而弄鴻大喜曰此真梁鴻妻也能奉我矣字之曰德曜孟光居有頃乃共入霸陵山中曰

耕織爲業詠詩書彈琴自娛仰慕弄世高士而爲四皓自來  
二十四人佗頌因東出關過京師佗五噫之歌肅宗求鴻不得  
乃易姓運期名耀字侯光弃妻子居齊魯之間有頃又去適吳  
居皋伯通廡下爲人賃舂舂舂妻爲具食舉案齊眉伯通察而  
異之乃方舍之於家鴻潛閉著書十餘篇疾且告主人曰魯延  
陵季子葬於麋博之間不歸鄉里慎勿令我子持喪歸去及卒  
伯通等爲求葬地於吳要離冢傍

澍按北堂書鈔引決錄不全今自高士傳補之

高恢字伯達京兆人也少治老子經恬虛不營世務并梁鴻著  
隱於寧陰山中及鴻東游思恢佗詩曰鳥嚶嚶兮友之期念高

子兮僕懷思想念恢兮爰集茲二人遂不復相見恢亦高抗匿  
耀終身不仕焉

澍按高士傳多本決錄今据補

鄭樸字子真言口人也修道靜默世服其清高成帝時元舅大  
將軍王鳳旨禮聘之遂不屈揚雄盛稱其德曰言口鄭子真耕  
于巖石之下名振京師馮翊人刻石祠之至今不絕

澍按漢書注引決錄鄭子真名樸五字是士安高士傳必本  
決錄爲文也今据補又按雲陽宮記鄭子真名樸隱於言口  
高節不屈耕於巖石之下名震京師

張仲蔚平陵人也與同郡魏景卿俱隱身不仕所居蓬蒿沒人

藝文類聚太平  
御覽引決錄

謝安世說新語補注引云仲蔚扶風人少與同郡魏景卿俱  
修道德隱身不仕明天官博物好爲詩賦所居蓬蒿沒人又  
校皇甫謐高士傳云張仲蔚者平陵人也與同郡魏景卿俱  
修道德隱身不仕明天官博物善屬文好詩賦常居窮素所  
處蓬蒿沒人閉門養性不治榮名時人莫識唯劉龔知之是  
士安依趙氏決錄爲文也世說云張仲蔚隱居平陵蓬蒿滿  
宅唯開一行徑

蔣詡歸鄉畧荆棘塞門舍中有三徑不出惟求仲羊仲從之游  
二人不知何許人皆泊車爲業時人謂之二仲

北堂書鈔  
引決錄

謝安嵇康高士傳蔣詡杜陵人詡爲兗州王莽爲宰衡詡奏事到霸上移疾歸杜陵荆棘塞門舍中三徑終身不出時人諺云楚國二龔不如杜陵蔣翁

蔣詡字元卿舍中三徑惟裴仲辛仲從之游二仲皆推廉逃名之士

太平御覽引決錄

謝安文選注引推佗挫御覽引廉下有潔字又之士二字文選注引佗不仕司馬彪續漢書曰蔣詡字元卿父喪弔者盈門後母疾之不得止舊廬自佗小菴於側徃如舊

求仲辛仲不知何許人皆治車爲業挫廉逃名

一作世

蔣元卿之

去兗州還杜陵荆棘塞門舍中有三徑不出惟二人從之游時

人謂之二仲

陶潛羣補錄引決錄

韓康字伯休京兆霸陵人也常遊名山採藥賣於長安市中口不二價者三十餘年時有女子買藥於康怒康守價乃曰公是韓伯休耶乃不二價乎康歎曰我欲避名今區區女子皆知有我用藥爲遂逖入霸陵山中博士公車連徵不至桓帝時乃備牛纁安車旨聘之使者奉詔造康康不得已乃佯許諾辭安車自乘柴車冒晨先發至亭亭長曰韓徵君當過方發人牛修道橋及見康柴車幅巾曰爲田安也使奪其牛康卽釋駕昇之有頃使者至奪牛翁乃徵君也使奏殺亭長康曰此自老子昇之亭長何辜乃止康因中路逃遁曰壽終



澍按皇甫謐高士傳多依決錄今決錄闕略據補之伯休一

伯休牧

安陵清者有項仲山飲馬渭水母投三錢

初學記太平御覽引決錄

澍按一引錢下有目償之三字又風俗通引潁川黃子廉事

并此同太原郝子廉亦有飲水投錢井中事亦見風俗通

王邑爲從弟奇求蔣詡女盛服送之詡女辭不取但衣青布曰

受父命不敢違邑乃嘆曰所目并賢者婚欲爲此也

北堂書鈔引決錄

澍按王邑王莽時爲大司空竇融女弟爲邑小妻

法真字高卿少明五經兼通讖緯學無常師名有高才常幅巾

見扶風守守曰哀公雖不肖猶臣仲尼擁下惠不去父母之邦

欲相屈爲功曹何如真曰目明府見待有禮故四時驛觀若欲吏使之真將在北山之北南山之南矣扶風守遂不敢目爲吏初真季未弱冠父在南郡步往候父已欲去父聞之待正旦使觀驛吏會會者數百人真於窗中闚其昇父語畢問真孰賢真曰曹掾胡廣有公卿之量其後果歷九卿三公之位世目服真之知人焉後徵辟皆不就友人郭正美之號曰平德先生季八十九中平五季卒正父衍字季謀司徒掾廷尉左監蜀志注引決錄注法真字高卿扶風郿人也學無常家博通內外圖典關西號爲大儒弟子自遠而負笈常數百人真性恬靜寡欲不涉人間事太守請見之真乃幅巾請謁太守曰魯魯哀公雖爲不肖而仲

尼稱臣太守虛薄欲目功曹相屈光贊本斲何如真曰目明府  
見待有禮故敢自同賓末若欲吏之真將在北山之北南山之  
南矣太守懼然不敢復言凡辟公府賢良皆不就同郡田翼薦  
真曰處士法真體兼四業學通典與幽居情泊樂目忘憂將蹈  
老氏之高蹤不爲乎纁屈也臣願聖明就加衰職必能唱清廟  
之歌致來儀之鳳矣會順帝西巡翼又薦之帝虛心欲致焉後  
四徵真曰吾旣不能逃形遠世豈飲洗耳之水哉遂深自隱絕  
終不降屈友人郭正稱之曰法真名可得聞身難得而見逃名  
而名我隨避名而名我追可謂百世之師者矣乃其琴石頌之  
號曰平德先生季八十九中平五年目壽終

澍按蜀志注所引決錄并高士傳同傳較詳今補之

姜岐字子平涇陽上邽人也少失父獨目母兄居治書易春秋  
恬居守道名重西州延熹中沛國橋子爲涇陽太守召岐欲目  
爲功曹岐稱病不就子怒勅督郵尹益收岐若不起者趣嫁其  
母而後殺岐益爭之子怒益撻之益得杖且諫曰岐少修孝義  
栖遲衡廬鄉里歸仁名宣州里實無辜然益敢目死守之子怒  
乃止岐於是高名逾廣其母死喪禮畢盡讓平水田并兄岑遂  
隱居曰畜蜂豕爲事教授者滿於天下營業者三百餘人辟州  
從事不詣民從而居之者數千家後舉賢良公府辟目爲茂才  
爲蒲坂令皆不就目壽終於家

樹按此高士傳今據補

丁邨字叔春正直不撓舉孝廉爲郎目令史次輔宜俗也世祖

改用孝廉選邨補爲郎邨托疾不就詔問實病羞爲郎乎對曰

臣實不病恥目孝廉爲令史職耳世祖怒使虎賁杖之數十詔

問欲爲郎否邨曰能殺臣者陛下也不能爲郎者臣也詔出不

爲郎

太平御覽引決錄  
北堂書鈔引微畧

樹按一引云丁邨舉孝廉爲郎目令史久次補之世祖始改

用孝廉邨稱病不就詔問病羞爲郎否對曰臣不病恥目孝

廉爲令史職耳

故事尚書郎目令史久缺補之世祖始改用孝廉爲郎目孝廉

丁邯補焉邯稱疾不就詔問實病羞爲郎平對曰臣實不病恥  
目孝廉爲令史職耳世祖怒曰虎賁滅頭杖之數十詔問欲爲  
郎否邯曰能殺臣者陛下不能爲郎者臣中詔遣出竟不爲郎  
邯字叔春京兆陽陵人也有高節正直不撓後拜汾陽令治有  
名跡遷潁中太守妻弟爲公孫述將收妻送南鄭獄免冠徒跣  
自陳詔曰潁中太守妻乃繫南鄭獄誰當搔其背垢者縣牛頭  
賣馬脯盜跣行孔子語曰邯服臯且邯一妻冠履勿謝治有異  
卒於官

漢書百官志  
注引決錄

澍按說苑景公好婦人而丈夫飾者國人盡服之公使禁之  
裂衣斷帶而不止晏子曰服之於內而禁之於外猶縣牛首

於門而求買馬肉也詔語本此

寶攸

一有治稱雅三字

舉孝廉爲郎世祖大會靈臺得鼠身字有如豹文

問羣臣莫知者攸對曰鼯鼠也見爾雅

一俗語諸侯子弟從攸受爾雅

詔按祕

書如攸言賜帛百疋

文選蕭揚州薦士表注引快錄玉海引伯快錄注

樹按寶氏家傳寶攸治爾雅舉孝廉爲郎世祖并百寮大會

靈臺得鼠身如豹文熒有光澤世祖異之聞羣臣莫知攸對

曰名鼯鼠詔問何目知之攸曰見爾雅詔案視書如攸言賜

帛百匹詔諸侯子弟從攸受爾雅是知鼯鼠者寶攸也而郭

璞爾雅注曰爲終軍係記憶之誤顧野王玉篇仍其譌失之

不考

巨訢傲俗自謂無伍

太平御覽  
引決錄

樹按皇甫謐高士傳云巨訢字季春扶風人也少有大才自謂無伍傲世不能弃俗人爲羣郡守始召見曰明府欲臣訢耶友訢耶師訢耶明府所目尊崇人者極於功曹所目榮祿人者已於孝廉一極一已皆訢所不用也府君異之遂不敢屈

曹眾字伯師并鄉里蘇孺文寶伯向馬季長並游宦惟眾不遇

巨壽終於家

後漢書注  
引決錄

樹按漢文苑傳扶風曹眾伯師有才學著誄書論四篇又按寶章安豐侯萬全之少子字伯向少好學有文章并馬融崔



璦同好更相推薦馬融集有弁寶伯向書曰孟陵奴來賜書  
見手跡歡喜何量見於面也書雖兩紙紙八行行七字章後  
官大鴻臚

孫晨字元公家貧不仕居社城中織箕爲業明詩書爲郡功曹  
冬月無被有藁一束莫臥其中旦収之

北堂書鈔太平  
御覽引決錄

樹按晨書鈔伯辰元伯允

辛繕字公文少治春秋詩易隱居卽震寧陰弟子受業者六百  
餘人所居旁有白鹿甚馴不畏人

北堂書鈔  
引決錄

辛繕字公文治春秋識緯隱居寧陰光武徵不至者有大鳥高  
五尺雞首燕頤蛇頸魚尾五色備具而多青棲繕槐樹旬時不

去引震太守呂聞詔問百寮咸曰爲鳳太史令蔡衡對曰凡象  
鳳者有五多赤色者鳳多黃者鸛雛多青者鸛紫者鸛鸞白者  
鸛鸛今五色多青乃鸛非鳳也上善其言三公聞之咸避佐辟  
繕繕不起

太平御覽  
引決錄

澍按太史令蔡衡一引作張衡

韋豹字季明司徒劉愷甚重之謂曰君呂輕去就大佐不躋今  
歲巫盡選御史實欲煩君豹曰犬馬齒盡旣無膂力又無考課  
所目躋躋戀慕者呂明公禮遇隆崇未能自割因稱夙有風疾  
眩冒不堪久侍遂徙跣趨出公追不及

太平御覽  
引決錄

澍按韋豹御覽引作韋豹今據東觀記改又按平輿令韋順

字叔文歷佐樂平相去官曰琴書自娛不應三公之命後爲  
平輿令吏民去祠社中順弟或陽令豹字季明友人羅陵隸  
爲縣丞卒官喪柩流離豹弃官致喪歸比辟公府輒弃去司  
徒劉愷尤敬之豹弟廣都長義字季節少好學不求榮利四  
十乃仕三爲令長皆有惠化曰兄喪去官比辟公府不就廣  
都爲去生祠焉皆清河太守韋文高之三子皆曰學行知名  
時人號韋氏三君見京兆舊事劉愷字伯豫般之子見舊書  
公孫晨爲郡功曹其將軍馬防聞名餽錢四萬晨不敢拒受而  
埋之閤內

北堂書鈔  
引決錄

澍按馬防字江平官車騎將軍封翟鄉侯

大鴻臚韋彪字孟達昇上黨太守公孫伯達河陽長魏仲達皆

扶風平陵人同時齊名世號三達孟達名彪丞相賢五世孫陶潛

聖賢羣輔  
錄引快錄

齊相子穀頗隨時俗曹成壽之子也司徒掾察孝廉爲長垣長

母爲太后師徵拜中散大夫子穀卽成之字也

漢書注  
引快錄

樹校首二句是快錄曹成壽目下是擊虞注

周季貞班固姊之子也善屬文喪婦伯問神其姊曹大家難之

太平御覽  
引快錄

長安劉氏惟有孟公論可觀者班皮叔昇京兆丞郭季通書曰

劉孟公藏器於身用心篤固實瑚璉之器宗廟之寶也

後漢書  
注引快

三輔決錄

卷一

三

注錄

澍按文選王文憲序注引曾有長安劉氏四字今補論可觀者選注佗談者取則蘇竟傳劉龔字孟公長安人善論議扶風馬扶班彪並器重之

南陽舊語曰葭陳大夫范仲公鹽豉蒜果共一桶言其廉儉也

太平御覽顏氏家訓引決錄

澍按北堂書鈔引上句云范仲公爲大夫佗誤

井丹字大春少通五經善談論故京師爲之語曰五經紛綸井

大春北堂書鈔引決錄

井丹舉室疫病梁祐自將醫藥治丹太平御覽引決錄

澍按梁杅字伯孫茂陵人九江太守統之子尚光或女驛陰公主遷虎賁中郎將

彭城王國相趙牧字仲師長安人少知名杅公正稱修春秋事樂恢恢曰直諫死牧爲陳寃得申舉高第爲侍御史會稽太守皆有稱績及誣奏霸城靖王恭安帝疑其侵乃遣御史毋丘歆覆案其事實下牧廷尉會赦不誅終於家

後漢書注  
引決錄注

澍按後漢書彭城靖王恭傳元初三季恭杅事怒子酺酺自殺國相趙牧杅狀上因誣奏恭祠祀惡言大逆不道有司奏請誅之恭上書自訟鞠廷杅其素著行義令考實無徵牧坐  
下獄會赦免死

韋權字孔衡權弟瓚字孔玉瓚弟矩字孔規太尉掾韋子才之  
三子皆修仁義兄弟孝友逢盜賊一人病不能去兄弟相募兵  
至俱死時人稱之號韋三義

陶潛羣輔  
錄引決錄

韋彪爲巴郡太守父老羸供養父嗜餅從至親去車下自進之  
澍按太平御覽引作三輔舊事其文是三輔決錄今補入又  
按東觀漢記蕭彪字伯文京兆杜陵人累官巴郡太守父老  
乞供養父有賓客輒去屏風後應受使命父嗜餅母自買進  
之据此是蕭彪御覽引作韋彪譌

第五頡字子陵爲郡功曹至州從事公府辟舉高第爲侍御史  
南頓令桂陽南陽廬江三郡太守諫議大夫洛陽無主人鄉里

無田宅寄止靈臺中或十日不炊司隸校尉南陽左雄太史令張衡尚書廬江朱建孟興皆舛韻故舊各致禮餉韻終不受永

建中卒官

北堂書鈔引決錄

澍按水經注引云靈臺第五子陵之所居倫少子也目清正

爲郡功曹

近案本脫此四字

洛陽無主人鄉里無田宅寄止靈臺或

十日不炊司隸校尉南陽左雄尚書廬江朱孟興等皆倫故孝廉功曹各致禮餉並辭不受永建中卒御覽引云第五韻字子陵倫少子目清正爲郡功曹至州從事公府辟舉高弟侍御史南頓令皆稱病免下接洛陽無主人云云初學記引微畧藻書注引功曹下無至字寄作客無末永建中卒官句



三輔決錄

卷一

雷

茂陵郭汲爲潁川化如時雨摯虞曰汲字細侯光或拜潁川太

守

文選注  
引決錄

謝按摯虞曰目下是注又按汲茂陵人高祖父解或帝時目  
任俠聞父梵爲蜀郡太守

金日磾字翁叔封秬侯有忠勤之節七葉侍中

太平御覽  
引決錄

謝按徐堅初學記引佗三輔舊事非今補入決錄又按漢書  
佗翁叔由馬監遷侍中駙馬都尉光祿大夫封秬侯子賞建  
俱侍中賞爲奉車建駙馬都尉日磾弟倫字少卿爲黃門郎  
子安上字子侯少爲侍中至建章衛尉四子常敞岑明岑明  
皆爲諸曹中郎將常光祿大夫敞爲騎都尉光祿大夫中郎

將侍中後至衛尉敞子涉本左曹拜侍中參使匈奴拜匈奴  
中郎將越騎校尉關都尉饒爲越騎校尉涉兩子湯融皆侍  
中諸曹將大夫涉從父弟欽由京兆尹徙光祿大夫侍中

張宇穆之第二子也曰父功當封自言兩目失明天子信之乃  
封其弟恭其弟子好戲無度放散家財宇悉曰所得千萬昇之

天子聞而嘉之又知其讓封徵拜議郎

太平御覽  
引決錄

高陵龐智伯名勃爲郡小吏東平衡震字剽卿爲書生窮乏乃  
客鍛於勃家勃知其賢僇加禮待顧直過償會當去送十里過  
舅家復貸錢贈之震不肯受勃曰不受令勃不安震乃受曰爲  
馮翊乃相報別七八年果爲馮翊勃爲

一作  
勃子

門下書佐忘之矣

震乃見問一作窮問乃舉孝廉爲尚書郎左右丞魏郡太守河內

太守太平御覽  
引決錄

澍按衡震事繼母至孝見按神記

三輔決錄卷二

漢太僕趙岐纂 晉秘書監摯虞注 戎威張澍蒼輯

竇叔高名乎目明經爲郡上計吏聘會數百人乎儀狀絕眾天

子異之

書鈔作異其貌

詔曰公主妻之出同輩調笑焉叔高時已

一作自

有妻不敢言聞方欲迎婦并訣而詔召叔高就第成婚

太平御覽引決

錄

澍按藝文類聚載乎妻別乎書云弃妻斥女敲白竇生卑賤  
鄙陋不如貴人妾目目遠彼目目親何所控訴仰呼蒼旻悲  
哉竇生衣不厭新人不厭故悲不可忍怨不可去彼獨何人  
而居斯處又按乎妻寄書及歌并乎時人傳之曰熒熒白兔

東走西顧衣不如新人不如故

王謐字子嗣博學有才辯洛陽种景伯或原吳季高未知名謐數稱二人於朱伯厚有宰輔之器退語二人曰卿必爲公後景伯至司徒季高至司空曰是服謐之知人也

太平御覽  
引洪錄

樹按後漢書种暭傳河南尹田歆外甥王謐名知人歆謂之曰今當舉六孝廉多得貴戚書命不宜相違欲自用一名士曰報國家爾助我求之明日謐送客于大陽郭遜見暭異之還白歆曰爲尹得孝廉矣近洛陽門下史也歆笑曰當得山澤隱滯近洛陽吏耶謐曰山澤不必有異士異士不必在山澤歆卽召暭於庭辯詰職事辭對有序歆甚知之署主簿遂

察孝廉又按朱震字伯厚爲州從事奏濟陰太守單匡舉吳雄字季高明法律斷獄平致佐司徒非司空也

孝廉杜陵金敞字元休佐至兗州刺史上計掾長陵第五巡字文休與先之子興先名種司空伯魚之孫名士也上計掾杜陵韋端字甫休佐至涼州牧太尉同郡齊名時人謂之京兆三休

杜昌光咸元季察舉

羣輔錄引決錄

第五種子巡字文休辟太尉掾昇杜陵金敞韋端齊名時人號之京兆三休

太平御覽引決錄

澍按典略云金元休名尚京兆人也尚昇同郡韋甫休第五文休俱著名號爲三休尚獻帝初爲兗州刺史東之部而太

祖已臨竟州尚本依袁術術僭號欲目尚爲太尉不敢顯言  
私使人諷之尚無屈意術亦不敢彊也建安初尚逃還爲術  
所害其後尚喪葬大傳馬曰禪俱至京師天子嘉尚忠烈爲  
之咨嗟詔百官弔祭拜子瑋郎中而日禪不葬焉

賈彪兄弟三人並有高名彪最優故天下稱曰賈氏三虎偉節

最怒

太平御覽  
引決錄

郭祥爲太尉長史起大宅在高陵城西稱曰長史宅

太平御覽  
引決錄

樂恢字伯奇父親爲縣吏有舉令欲殺之恢年十一歲常伏寺

門外凍地晝夜常號泣令感而赦之

太平御覽  
引決錄

樹桉十一歲一伯十三本傳伯十一號泣伯啼泣末句伯令

乃出親又一引佗鮑恢爲鮑永都官從事無此事也

樂恢子樂已字伯文爲郎非其好也去官

後漢書注引決錄

謝桉恢京兆長陵人官尚書僕射勸家竇憲風州郡迫脅飲藥死憲誅門生何融等陳恢忠節除子已爲郎

賈逵字景伯建初元季受詔列春秋公羊穀梁不如左氏四十事名春秋左氏長義帝大喜賜布五百匹

太平御覽引決錄

謝桉四十事本傳佗三十事并此違異又近刻御覽佗字梁道誤爲魏志之賈逵也今改正逵扶風平陵人七世祖諡文帝時爲梁王大傅曾祖父光爲常山太守宣帝時目吏二千石自洛陽徙焉又桉扶風李育元春習公羊春秋佗難左氏



義四十一事昇達相難往返皆有理證

蘇章爲冀州刺史行部有故人爲清河太守案得其好貨乃請太守設酒接目溫顏太守喜曰人各有一天我獨有二天章曰今夕蘇孺文昇故人歡飲私恩也明日冀州刺史白奏事公法也遂舉正其學

藝文類聚引決錄

蘇章爲冀州刺史召安平崔瑗爲別駕

太平御覽引決錄

樹按崔瑗字子玉安平人官濟北相

杜恕字務伯拜黃門侍郎母宣省閣威儀矜嚴

藝文類聚引決錄

車茂字子康元帝時游學長安目儒行爲給事黃門郎

藝文類聚引決錄

錄

馮豹字德文母爲父所出後母遇之甚酷豹事之愈謹時人爲

之語曰道德彬彬馮德文

太平御覽  
引決錄

澍按豹爲馮衍子仕至成威太守徵入爲尚書德文一引作

仲文昇漢書合是德爲諱字

馮豹爲尚書郎母奏事未報常伏省闕下或自昏至明天子默

使人持被覆之

初學記太平  
御覽引決錄

馬融爲南郡太守二府目融在郡貪濁受主記掾岐肅錢四十

萬融子彊又受吏白向錢六十萬布三百匹目肅爲孝廉向爲

主簿

太平御覽  
引決錄注

澍按馬融集云融茂陵成懽里人漢書云將作大匠嚴之子

本傳梁冀風有司奏融在郡貪濁免官髡役朔方雖被劾係忤梁冀旨而貪濁則有跡也

王調字叔和爲河南尹永和三年坐買洛陽令同郡仕稜竹田

及上罷城東漕渠免官

後漢書注引決錄注

樹按樂恢傳恢入爲尚書僕射時河南尹王調洛陽令李阜并竇憲厚從舍自由恢劾奏調阜並及司隸校尉諸所刺連舉無所回避貴戚惡之

杜陵韋伯考鬻書力養親旣登常伯貂璫煌煌承事尤謹

北堂書鈔

太平御覽引決錄

汝南何比干字少卿爲汝陰縣獄吏法曹掾平活數千人後爲

丹陽都尉獄無冤囚淮汝號曰何公征和三季三月辛亥天大  
陰雨比干在家日中夢貴客車騎滿門覺目語妻語未已而門  
有老姬可八十餘頭白求寄避雨雨甚而衣履不霑漬雨止遂  
出門乃謂比干曰公有陰德今天錫君策目廣公之子孫因出  
懷中符策狀如簡長九寸凡九百九十枚目授比干曰子孫佩  
印綬者當隨一作如此算姬東行忽不見自比干目下鼻張氏俱  
授靈瑞累世爲名族三輔舊語曰何氏算張氏鉤也太平御覽引決錄  
澍按後漢何敞傳註引何氏家傳曰六世祖父比干字少卿  
經明行修兼通法律目下文俱昇決錄同末有云比干季五  
十八有六男又生三子本始元季自汝陰徙平陵代爲名族

又按太平御覽引決錄注云茂陵何比干瀆或帝時丞相公孫宏舉爲廷尉右平獄無冤民號曰何公

汝南何比干通律法元朔中公孫宏辟爲廷尉右平獄無冤民號曰何公征和初去官在家天大陰雨晝寢夢有客車騎覺而一老嫗年八十餘頭盡白求寄避雨雨方甚而嫗衣履不滯比干異之延入座須臾雨止嫗辭去出送至門跪謂比干曰君先出自后稷堯至晉有陰德及公之身當繼公一天今天賜策曰廣公子孫佩印綬者當隨簡長九寸凡九百九十枚曰授比干曰子孫佩印綬者當隨此算嫗東行忽不見比干年五十八有六男後三歲復生三男徙平陵八男去一子畱常祭嫗如東行

及終遣令東甯自比干已下并張氏俱授靈瑞累世爲名族三

輔舊語曰何氏策張氏鉤也

太平廣記引決錄

謝桉顏籀云通典宣帝始置左右平而三輔決錄注云何比干漢成帝時爲廷尉右平誤矣此錢戶部儀吉之說

張氏得鉤何氏得算故三輔舊語曰何氏算張氏鉤何氏肥張氏瘦言何氏肥者輒貴瘦人輒賤張氏瘦者輒貴肥者輒賤故二族目鉤算知吉凶目肥瘦知貴賤

太平御覽引決錄注

謝桉按神記長安有張氏獨處一室有鳩自外入止於牀張氏惡之披懷而祝曰鳩爾來爲旣耶飛上承塵上爲福耶飛入我懷鳩翻飛入懷乃化爲一帶鉤從爾資產巨萬子孫昌

盛蜀客至長安聞之乃厚賂婢婢竊鉤曰卑蜀客張氏既失  
鉤漸漸衰耗而蜀客亦數罹窮厄不爲已利或告之曰天命  
也不可曰力求於是賁鉤曰反張氏復昌故關中稱張氏鉤  
也

何敞字文高爲汝南太守和帝

一信章帝

南巡過郡郡有刻鏤屏風

爲帝張設之

一無之字

詔命侍中黃香銘之曰古典務農雕鏤傷民

忠在竭節義在修身敞愆禮賢命士改修德化

太平御覽引決錄注

澍按水經注高要縣有鵠奔亭廣信蘇施妻始珠鬼訟於交

州刺史何敞處是敞又爲交州刺史也又按黃香字文彊江

夏安陸人官魏郡太守其子瓊

馬援戒兒子書龍伯高敦篤

一作舊

周慎口無擇言吾愛之重之

願汝曹效之世祖見援書卽擢伯高爲零陵太守在郡四季甚

有治化

藝文類聚太平御覽引決錄

澍按伯高名述京兆人爲山都長

段出老子段干木之子隱如入關去干字漢文帝時段卽爲北

地都尉成帝時段會宗爲西域都護後漢桓帝世段熲爲大尉

皆其裔也

氏族畧引決錄

澍按古今姓氏書辨證引云段氏李老君之自出段干木之

子隱如入關去干字路史引無漢文帝曰下數句

桓帝曰平陵魯寬爲太子門大夫

太平御覽引決錄



長陵田鳳字季宗爲尚書郎儀貌端正入奏事靈帝目送之因

題殿柱曰堂堂乎張京兆田郎

太平御覽  
引決錄

澍按末二句顏氏家訓亦引儀貌初學記作容儀

淮陽憲王宣帝愛子器異其才欲目爲嗣王恃寵自驕天子乃  
用韋元成爲中尉目輔導受詔并肅望之等論五經同異於石

渠閣

太平御覽  
引決錄

馬日磾字翁叔馬融之族子少傳融業目才學進歷佐九卿遂

登台輔

後漢書注  
引決錄

澍按魏志注引目才學進句下有昇楊彪盧植蔡邕等典校

中書歷佐九卿遂登台輔二十字又世說注引云曰顧字翁

叔馬融族孫獻帝時太傅并蔡邕楊賜堂鉅典同校定后經  
馬后志在克仁輔主不曰私家干斡廷兄爲虎賁中郎將弟爲  
黃門郎訖永平世不遷

藝文類聚  
引決錄

五門子孫凡民之伍注曰門今在河南西四十里澗穀洛三水  
之交傳聞馬氏兄弟五人共屠居此作五門客舍因曰爲名主  
養豬賣豚故民爲之語曰苑中三公鉅下二卿五門霍霍但聞  
豬聲

太平御覽  
引決錄

澗按水經注引決錄注云馬氏兄弟五人共居澗穀二水之  
交作五門客舍因爲名今在河南西四十里澗穀注引注  
云鉅下地名也初學記獸部引注云曰下作細字馬嚴傳嚴

字威卿弟敦字孺卿援卒後嚴乃昇敦俱歸安陵居鉅下三輔稱其義行號曰鉅下二卿霍霍初學記引作嘖嘖

平陵之王惠孟鏘鏘激昂述困於東平

後漢書注引決錄

澍按范書王元字惠孟伏馬援昇楊廣書偁爲王游翁是又字游翁也東觀記元扶風人元降光武初拜上蔡令遷東平相坐墾田不實下獄死

陳欽傳左氏遠在蒼梧

太平寰宇記引決錄

澍按後漢書陳元傳元字長孫蒼梧廣信人也父欽習左氏春秋事黎陽賈護昇劉歆同時而別自名家王莽從欽受左氏學曰爲厭難將軍李賢注欽字子佚曰左氏授王莽自名

陳氏春秋寰宇記欽封川縣人字子逸

杜預從兄斌亦有才望為黃門郎

菽文類聚引決錄注

樹按此是決錄注陝西省志引作決錄非

寶太后父

北堂書鈔引云名倚

少遭秦亂隱身漁釣

書鈔作釣魚

墜淵而死

一作

卒

景帝太后

一作后登尊號

遣使者

一有

填父所墜淵而築起大墳

於觀津城南人閒號為寶氏青山

史記索隱引決錄注北堂書鈔引作決錄

樹按瀝地理志引決錄注云孝文寶皇后父隱身漁釣墜淵

而卒景帝太后為太后遣使者更填父所墜淵而葬起大墳

於觀津縣城南民號曰寶氏青山御覽引云文帝寶后父名

猗清河人也末引云觀津城南青山是也又按隨圖經云觀

津東南青冢高三十餘丈周回千步又云竇后父少翁

弭生

一作升

字仲叔其父賤故張伯英昇李幼才書曰弭仲叔高

德美名命世之才也非弭氏小族所當有新豐瘠土所當出也

太平御覽

引決錄

王莽時有弭彊漢末新豐人弭仲叔

氏族畧引決錄

澍按一引決錄云弭仲叔弭倖俱新豐人又漢更始持節將軍中郎將弭彊新豐人并鄭樵通志引不同又按弭彊爲鄧

禹殺見漢書

射援字文雄扶風人也其先本姓謝昇北地諸謝同族始祖謝服爲將軍出征天子曰謝服非令名改爲射子孫氏焉兄堅字

文固少有美名辟公府爲黃門侍郎獻帝之初三輔饑亂堅去  
官昇弟援南入蜀依劉璋璋曰堅爲長史劉備代璋曰堅爲廣  
漢蜀郡太守援亦少有名行太尉皇甫嵩賢其才而曰女妻之  
丞相諸葛亮曰援爲祭酒遷從事中郎卒官

蜀志注引  
決錄注

澍按太平御覽引云漢末大鴻臚射咸本姓謝名服天子命  
爲將軍出征曰姓謝名服不祥改爲射氏名咸咸一作威又  
按氏族畧引云改姓射名咸咸子登援登蜀郡太守援中郎  
將登字譌

金旋字元機京兆人歷佐黃門侍郎漢陽太守徵拜議郎遷中  
郎將領武陵太守爲劉備所攻劫死

蜀志引  
決錄注

士孫奮字景卿少爲郡五官掾起家得錢貲至三億七千萬富

聞京師也

後漢書注  
引決錄注

平陵士孫奮富聞京師梁冀知奮儉恠曰一鑊衢鞍遺奮從貸

五千萬

初學記  
引決錄

澍按梁冀傳扶風人士孫奮居富而性恠冀因曰馬乘遺之  
從貸錢五千萬奮曰三千萬舛之冀大怒乃告郡縣認奮母  
爲其守藏婢云盜白珠十斛紫金千斤曰叛遂收考奮兄弟  
死獄中悉沒貲財億七千餘萬

平陵士孫奮貲至一億七十萬富聞京師而性儉恠從子瑞辟

梁冀掾奮送絹五匹食曰乾魚

太平御覽  
引決錄

平陵士孫奮富聞京師而性儉恠嘗宿客舍雇錢直甚少主人

曰君士夫惜錢如此欲佗士孫景卿耶

太平御覽引決錄

劉桢一引云不知實是景卿下接從子瑞辟梁冀掾奮送絹五匹食曰乾魚羹問奮何目相送瑞曰實對冀乃目一鰥安車遺奮貸錢五千萬也

士孫瑞字君榮

後漢書

扶風人世爲學門瑞少傳家業博通無所

不達仕歷顯佐董卓既誅遷大司農爲國三老冉三公缺瑞常

在選中太尉周忠皇甫嵩司徒淳于嘉趙溫司空楊彪張喜等

爲公皆辭拜讓瑞天子都許追論瑞

一作讓

功封子萌澹津亭侯

後漢書注

作萌字文始亦有才學昇王粲善臨當就國粲作詩目

車亭侯



贈萌萌有答在榮集中

魏志注引  
決錄注

澍按後漢董卓傳注引微畧

士孫萌字文始少有才學年十五能屬文初董卓之誅也萌父  
瑞知王允必敗京師不可居乃命萌將家屬至荊州依劉表主  
無幾允果爲李傕等所殺及天子都許昌追論誅董卓之功封  
萌爲澹津亭侯拜山陽王榮善萌當就國榮作詩曰贈萌

北堂  
書鈔

引決  
錄注

澍按文選注引末云於今詩猶存也

張旣爲兒童爲郡功曹游殷察異之引旣過家旣敲諾殷先趨  
勅家具賓饌及旣至殷妻笑曰君其悖乎張德容童昏小兒何

異客哉殷曰卿勿怪乃方伯之器也殷遂昇既論霸王之略纓  
訖曰子楚託之既謙不受殷固託之既曰殷邦之宿望難違其  
旨乃許之殷先昇司隸校尉胡軫有隙軫誣構殺殷死月餘  
軫得疾患自說但言伏皇伏皇游功曹將鬼來於是遂死於時  
關中稱曰生有知人之明死有貴神之靈子楚字仲充爲蒲坂  
令太祖定關中時漢興郡缺太祖曰問既既稱楚才兼文或遂  
曰爲漢興太守後轉隴西

魏志注  
引伏錄

謝安御覽引云軫害殷月餘得病因脫衣但言伏皇幼齊將  
鬼來於是遂死諺云生有知人之明死有鬼靈之驗

張既字德容爲兒童郡功曹游殷察異之

太平御覽又引云游  
殷字幼齊昇司隸校

尉胡軫有隙軫誣構殺之初殷爲郡功曹有童張旣  
者時未知名爲郡書佐殷察異之旣過家具設云云殷先魁勅

家設賓饌殷妻笑曰一有君甚張德容童昏小兒何異於客一無

二哉殷曰一有卿方伯之器也殷遂昇旣論霸王之略饗訖曰

子楚託之一作呂妻子託之

游殷爲胡軫所害同郡吉伯房郭公休昇殷同歲相善爲總麻

三月太平御覽  
引決錄

樹按九州春秋董卓曰東郡太守胡軫爲太督呂布爲騎督

軫性急又云軫字文才涼州人又按嶠嶽唐殘碑陰有故功

曹司隸茂才司空掾池陽郭暉公休故功曹司空掾池陽吉

攀伯房故功曹太尉掾潁陽游殷幼齊是公休名暉伯房名

等也

游塲上表乞宿衛拜駙馬都尉塲無學好遨游音樂及曲一作畜

歌者琵琶箏箏每行將曰自隨太平御覽引決錄

平陵孟佗字伯郎靈帝時中常侍張讓專斷政讓監奴典任家

計孟佗盡曰家財賂張讓監奴共結親厚積年眾奴心慙問佗

所欲佗曰欲得卿一作汝曹一拜奴等皆許諾時賓客求見讓者

門車常數百乘或累日不得通佗最後至諸奴曰其至皆迎而

拜之徑將佗車獨入眾人大驚謂佗弄讓善爭曰珍物賂一作遺

佗佗得盡曰賂讓讓大喜後曰葡萄酒一斗遺讓即拜為涼州

刺史太平御覽引決錄

謝按後漢書注引三輔決錄注曰佗字伯郎曰葡萄酒一斗  
遺張讓讓即拜佗爲涼州刺史

伯郎涼州人名不令休其註曰伯郎姓孟名他扶風人靈帝時  
中常侍張讓專執政讓監奴典護家事他仕不遂乃盡其家財  
賂監奴弄其結親積其家業爲之破盡眾奴皆慙問他所欲他  
曰欲得卿曹拜耳奴被恩久皆許諾時賓客求見讓者門下車  
常數百乘或累日不得通他最後到眾奴伺其至皆迎車而拜  
徑將他車獨入眾人悉驚謂他弄讓善爭其珍物遺他他得之  
盡其賂讓讓大喜他曰蒲桃酒一斛遺讓讓即拜涼州刺史他生  
達少入蜀其處蜀事迹在劉封傳

魏志注引  
決錄注

謝按涼州人名不令休其句未詳疑有訛字

韋誕字仲將除成都太守曰能書不得之郡轉侍中典作魏書  
號敬騎書一名大魏書凡五十篇洛陽鄴許二都始成命誕銘  
題曰爲永制曰御筆墨皆不任用因奏曰夫工欲善其事必先  
利其器用張芝筆左伯紙及臣墨一引有皆古法三字兼此三具又得臣  
手然後可曰逞一作盡徑丈之勢方寸千言太平御覽引決錄

謝按北堂書鈔引云韋誕奏蔡邕自矜能書兼明斯籀之法  
非得純素不妄下筆工欲善其事必先利其器又按文章叙  
錄云韋誕京兆杜陵人大僕端子有文學善屬辭曰光祿大  
夫卒衛恆四體書勢曰誕善楷書魏宮殿多誕所題明帝去

陵霄觀誤先釘榜乃籠盛誕轆轤多組引上使就題之去地  
三十五丈誕甚危惵乃戒子孫絕此楷法著之家令左伯字  
子邑東萊人特工八分并毛印等列小異於邯鄲淳又甚能  
作紙溼輿有紙代簡至和帝時蔡倫工爲之而子邑尤得其  
妙見書斷

韋康字元將京兆人也孔融并父端書曰頃見元將來淵才高  
茂雅度弘毅偉世之器也昨日又見弟仲將來懿性真實文敏  
篤誠保家之主也不意雙珠出於老蚌

太平御覽  
引決錄

韋元將身長八尺五寸爲郡主簿楊彪稱曰韋主簿年雖少有  
老成之風昂昂如千里之駒

太平御覽  
引決錄

按北堂書鈔引無末句

韋康字元將亦京兆人孔融并康父端書曰將日元將來淵才

亮茂雅度引穀偉世之器也昨日

一作昨日又見弟仲將

仲將又來懿性

貞實文敏

一作慤

篤誠

一作開散志篤

保家之主也不意雙珠近出老蚌

甚珍貴之端從涼州牧徵爲太僕康代爲涼州刺史時人榮之

後爲馬超所圍堅守歷時救兵不至遂爲超所殺

魏志注引決錄

澍按此當爲摯虞注所引較後藻書注爲詳

嚴象字文則京兆人少聰博有膽

宜作膽

智目督軍御史詣揚州

討袁術會術病卒因目爲揚州刺史建安五季爲孫策廬江太

守李術所殺時年三十八象同郡趙岐作三輔決錄恐時人不



三輔決錄

卷二

五

盡其意故隱其書唯目示象

魏志荀彧傳  
注引決錄

謝按趙岐序云其人既亡行乃可書象敗沒在決錄成書後  
至章康遇害岐卒已久尤不相及也此爲摯虞注審矣

時有京兆金穉字德偉自曰世爲漢臣自曰碑討莽何羅忠誠  
顯著名節累葉覩漢祚將移謂可季興乃喟然發憤遂舛耿紀  
韋晃吉本本子邈邈弟穆等結謀紀字季行少有美名爲丞相  
掾王甚敬異之遷侍中守少府邈字文然穆字思然曰穉慷慨  
有日碑之風又昇王必善因目聞之若殺必欲挾天子曰攻魏  
南援劉備時關羽疆盛而王在鄴畱必典兵督許中事文然等  
率雜人及家僮千餘人夜燒門攻必漳遣人爲內應射必中厨

必不知攻者爲誰曰素舛禕善夜喚德禕禕家不知是必謂爲  
文然等錯應曰王長史已死乎卿曹事去矣必乃更他路奔王  
曰必欲投禕其帳下督謂必曰今日事竟知誰門而投入乎扶  
必奔南城會天明必猶在文然等眾散故敗後十餘日必竟自  
剗死

魏志注  
引決錄

澍按後漢獻帝記注引決錄云云欲挾天子曰攻魏南援劉  
備事敗夷三族又按耿弇傳紀曰操將篡漢建安二十三年  
舛太醫令吉平丞相司直韋況晃舉起兵誅操不克夷族

金禕爲郡上計畱在許都時魏或使長史伍必

宜作王必

將兵衛天

子於許都禕舛必善必見禕有胡婢善射必嘗請之從後也

初學

記引  
決錄

耿援字伯緒官至河東太守

後漢書注  
引決錄注

澍按援爲顯之子尚桓帝妹爲河陽太守後曹操誅耿氏唯

援孫印存焉

史苞字叔文茂陵人也

後漢書注  
引決錄注

澍按苞爲張掖都尉羣輔錄苞爲張掖太守光武封爲扶義

侯蓋苞始爲張掖都尉及竇融行河西五郡將軍事目苞爲

張掖太守光武西征隗囂融率苞等會高平後封苞爲褒義

侯

耿寶字君達

後漢書注  
引決錄注

謝按實爲襲子佐至大將軍而附事內寵昇中常侍  
乳母王聖等潛廢皇太子爲濟陰王及排陷太尉楊震  
者怨之閹太后策免寶遣就國於道自殺

杜陵有王氏音肅王况字文伯光或曰爲司徒

姓氏辨證  
引決錄

謝按謝承書云王况字文伯京兆杜陵人也代爲三輔名族  
該總五經志節高亮爲陳畱太守性聰敏善行德教永平十  
五年蝗蟲起泰山彌衍兗豫過陳畱界飛逝不集五穀獨豐  
章和元年詔曰况爲司徒漢書王音宿

扶風太守侵恭因官居焉

姓氏辨證  
引決錄

謝按廣韻止引侵恭二字

扶風太守渦尚

廣韻引  
決錄

接子名昕著書十卷

姓氏辯證  
引決錄

澍按廣韻引接昕子三字氏族略引卷作篇又按接子或帝

時人昇齊接子是二人

希滿字子江

廣韻引  
決錄

新豐人弭升昌所居爲氏

姓氏辯證  
引決錄

澍按廣韻引云新豐彌升彌字訛今改正

金氏曰碑本下邳人也

太平寰宇記  
引決錄注

澍按金翁叔本休屠王太子從渾邪王將十萬眾降漢佐至  
車騎將軍賜田於此歸葬因家焉非下邳人也

周奐字文明茂陵人

後漢書注  
引決錄

澍按後漢獻帝紀大鴻臚周奐同种拂魯旭崔烈王頎等共  
戰沒張璠漢紀大鴻臚周奐爲李傕郭汜所殺

王豹出自單門

北堂書鈔

澍按張衡傳注王豹曰清謳流聲又左傳哀公六年陳僖子  
囚王豹於句賁之丘係景公嬖臣非衛人也此王豹別自一  
人係漢時

劉龔向曾孫

後漢書注  
引決錄

澍按蘇竟傳延岑護軍鄧仲况擁兵據南陽陰縣爲寇而劉  
歆兄子龔爲其謀主竟時在南陽并龔書曉之李賢注云崙

書及三輔決錄云向曾孫今言歆兒子則不同也

竇皇后兄竇建字長君

索隱引決錄

謝按皇甫謚云竇太后名倚房史記建弟廣國字少君又崙  
溘書長君竇太后兄少君太后弟廣國之字也絳灌等曰兩  
人所出微爲擇師傅長者有節行者并居長君少君由此爲  
謙讓君子不曰富貴驕人也

宋皇后父鄼字伯遇

漢書注引決錄注

謝按鄼爲靈帝宋皇后之父官執金吾封不其鄉侯扶風平  
陵人

后從帝行幸甘泉宮居長定宮孝成許皇后廢處昭臺宮歲餘

徒長定宮

黃圖引  
決錄

未央宮有延季殿合歡殿回車殿

黃圖引  
決錄

澍按三輔黃圖未央宮有宣室麒麟金籌承明成臺鉤弋等殿又有壽成萬歲廣明椒房清涼永延玉堂壽安平就宣德東明飛羽鳳凰通光曲臺白虎等殿唐記云未央宮有增成昭陽殿漢宮闕疏云未央宮有麒麟閣天祿閣有金馬門青瑣門午或蒼龍二闕朱雀堂畫堂甲觀非常室又有鉤盾署弄田又漢宮閣記云未央宮有宣明長季溫室昆德四殿又有玉堂增盤閣宣室閣

鎬在豐水東豐在鎬水西相去二十五里

後漢書郡國志  
注引決錄注



漢平陵縣大丘城一名槐里城一名綴丘

太平寰宇記引決錄

辟雍水四周於外象四海也

太平御覽引決錄

成帝時後宮八區有昭陽飛翔增成合歡蘭林披香鳳皇鸞鴛

等殿後又有增修安處常寧蒨若椒風發越蕙草等殿

玉海引決錄

樹校一引云成帝趙皇后居昭陽殿有女弟爲婕妤貴傾後

宮昭陽舍蘭房椒壁班婕妤好居增成舍哀帝時董賢女弟爲

昭儀居舍號曰椒風

長安城西門曰便橋橋北昇門對因號便橋

三輔黃圖引決錄

樹校潘岳西征賦津便門曰右轉究吾竟之所暨張銑注便

門便橋又校便門卽隗囂傳之平城門也平便音同通用

長安面三門四面十二門皆通達九達目相經緯衢路平正可  
並列車軌十二門三塗洞開隱目金椎周目林木左右出入爲  
往來之徑行者升降有上下之別班固西都賦云建金城之萬  
雉呀周池而成淵披三條之廣路左十二之通門內則街衢洞  
達閭閻且千九市開場貨別墜分又張衡西京賦云城郭之制  
旁開三門參塗夷庭方軌十二街衢相經廛里端直薨宇齊平

是也

三輔黃圖引決錄  
卓王滿所引微異

扶風扶風化也

郡國志引  
決錄注

馮翊馮依也翊明也

郡國志引  
決錄注

雒陽古之周南今之雒陽

郡國志引  
決錄注

澍按水經注引摯仲治曰古之周南今之洛陽漢高祖始欲  
都之感婁敬之言不日而駕行矣屬光武中興宸居洛邑逮  
於魏晉咸兩宅焉故魏略曰漢火行忌水故去其水而加佳  
魏爲土德土水之牡也水得土而流土得水而柔除佳加水

京北京大也天子曰兆民

郡國志引  
決錄注

鰕魚肥炙甚美諺曰寧去累世宅不棄鰕魚額

太平御覽  
引決錄

澍按此文係三秦記今入三秦記中